

საქართველოს თავდაცვის სამინისტრო



საქართველოს თავდაცვის სამინისტროს მიერ 2017 წლის სახელმწიფო ბიუჯეტის დაფინანსების ფარგლებში შესყიდვის ელექტრონული პროცედურის
საშუალებით საპროექტო მომსახურების **(პრეისკურანტით)**
შესყიდვის დოკუმენტაცია

(წინამდებარე შესყიდვის ელექტრონული პროცედურის დოკუმენტაცია შედგენილია „სახელმწიფო საიდუმლოების შესახებ“
საქართველოს კანონით განსაზღვრულ სახელმწიფო საიდუმლოებასთან დაკავშირებული სახელმწიფო შესყიდვების ობიექტების ნუსხისა და შესყიდვების
განხორციელების წესის დამტკიცების თაობაზე საქართველოს მთავრობის 2016 წლის 11 ივლისის N321 დადგენილების საფუძველზე)

თბილისი

2017 წელი

1. საკვალიფიკაციო მონაცემების დამადასტურებელი დოკუმენტები

1.1 საკვალიფიკაციო მოთხოვნები იურიდიული და ფიზიკური პირებისათვის

ა) ცნობა უფლებამოსილი ორგანოდან, რომელიც ადასტურებს ბიუჯეტის წინაშე პრეტენდენტის დავალიანების არ არსებობას.

ბ) ცნობა საქართველოს საჯარო რეესტრის ეროვნული სააგენტოდან, რომელიც ადასტურებს, რომ პირის მიმართ არ მიმდინარეობს გადახდისუნარობის საქმის წარმოება, რეორგანიზაცია ან ლიკვიდაცია.

1.2 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს შესყიდვის ელექტრონული პროცედურის სტატუსის „წინადადებების მიღება დაწყებული“ ეტაპის შემდეგ.

1.3 პრეტენდენტმა საკვალიფიკაციო მოთხოვნების დამადასტურებელი დოკუმენტები უნდა წარმოადგინოს შესასრულებელი სამუშაოების პრეისკურანტთან ერთად.

2. ზოგადი ინფორმაცია შესყიდვის ობიექტის შესახებ

2.1. შესყიდვის ობიექტი და ტექნიკური აღწერილობა

2.1.1. შესყიდვის ობიექტია საპროექტო მომსახურების შესყიდვა. მომსახურების გაწევის ადგილია **საქართველოს მთელი ტერიტორია, თავდაცვის სამინისტროს მოთხოვნის შესაბამისად.**

2.1.2. ელექტრონული ვაჭრობა გაიმართება საპროექტო მომსახურების პრეისკურანტით გათვალისწინებულ ჯამურ ღირებულებაზე.

2.1.3. ელექტრონული ვაჭრობის დასრულებიდან 5 (ხუთი) სამუშაო დღის ვადაში, უმდაბლესი ფასის წარმომდგენმა კომპანიამ, საიდუმლო წესის დაცვით საქართველოს თავდაცვის სამინისტროში უნდა წარმოადგინოს საპროექტო მომსახურების სამუშაოების პრეისკურანტი, პრეისკურანტის ჩამონათვალში მოცემული პროექტირების ნაწილების მიხედვით, მოქმედი კანონმდებლობის შესაბამისად.

2.1.4. წინამდებარე დოკუმენტაციის 2.1.3. ქვეპუნქტით გათვალისწინებულ ვადაში, საიდუმლო წესის დაცვით, საქართველოს თავდაცვის სამინისტროში, საპროექტო მომსახურების პრეისკურანტის წარმოდგენლობა გამოიწვევს პრეტენდენტის დისკვალიფიკაციას შესყიდვის ელექტრონული პროცედურიდან და შემსყიდველი მიმართავს ყველაზე დაბალი ფასის მქონე მომდევნო პრეტენდენტს.

2.1.5. პრეტენდენტი ვალდებულია შემოთავაზებულ საპროექტო მომსახურების პრეისკურანტში ხარვეზის აღმოჩენის შემთხვევაში წარმოადგინოს დაზუსტებული საპროექტო მომსახურების პრეისკურანტი.

2.1.6. პრეტენდენტმა უნდა მიუთითოს ფასები საპროექტო მომსახურების პრეისკურანტის ჩამონათვალში მოცემულ ყველა პოზიციაზე. გასაწევი მომსახურები პრეისკურანტში მოცემული ნებისმიერი ჩამონათვალის, პრეტენდენტის მიერ განუფასებლობა ან ნულით განფასება, შემსყიდველის მიერ არ ანაზღაურდება.

2.1.7. საპროექტო დოკუმენტაციის შემადგენლობა. საპროექტო დოკუმენტაცია უნდა შედგეს საქართველოში მოქმედი კანონმდებლობის, სამშენებლო ნორმებისა და წესების მოთხოვნებისა და სტანდარტების გათვალისწინებით:

2.1.7.1 წინასაპროექტო ღონისძიებების ჩატარების შემდეგ მოსამზადებელია შემდეგი დოკუმენტაცია:

განმარტებითი ბარათი:

- ❖ პროექტის განხორციელების საფუძველი;
- ❖ ტოპო-გეოდეზიური რუქა;
- ❖ ობიექტის ზოგადი დახასიათება;
- ❖ წარმოდგენილი საპროექტო დოკუმენტაციის შემადგენლობა.

საინჟინრო-გეოლოგიური კვლევა:

- ❖ საინჟინრო-გეოლოგიური საკვლევ-სამიეზო სამუშაოების ჩატარება;
- ❖ შესაბამის ნახაზებზე გეოლოგიური პირობების დატანა;
- ❖ საინჟინრო-გეოლოგიური საკვლევ-სამიეზო სამუშაოების დასკვნა.

საპროექტო გადაწყვეტები:

- ❖ ყველა საპროექტო გადაწყვეტა უნდა შეთანხმდეს შესაბამის ორგანიზაციებთან;
- ❖ სხვა სჭირო დოკუმენტი, სრულყოფილი წინასაპროექტო დოკუმენტაციის მოსამზადებლად.

2.1.7.2. მუშა საპროექტო დოკუმენტაცია. მოსამზადებელია შემდეგი საპროექტო - სახარჯთაღრიცხვო დოკუმენტაცია:

არქიტექტურული პროექტი:

- ❖ განმარტებითი ბარათი;
- ❖ სიტუაციური გეგმები (გენ.გეგმა);
- ❖ ვერტიკალური გეგმარება;
- ❖ კეთილმოწყობა;
- ❖ სივრცითი მოწყობა – სარდაფის, სართულების და გადახურვის გეგმები;
- ❖ ფასადები, ჭრილები, დეტალები;
- ❖ კარ-ფანჯრის სახეობა და ჭრილები;
- ❖ სპეციფიკაციები, ექსპლიკაციები;
- ❖ შენობა-ნაგებობების იერსახე და დიზაინი – რენდერები, ესკიზები, ფოტომასალა;
- ❖ სხვა სჭირო ნახაზები, სრულყოფილი არქიტექტურული პროექტისათვის.

კონსტრუქციული პროექტი:

- ❖ განმარტებითი ბარათი;
- ❖ მზიდი კონსტრუქციების მოწყობის ნახაზები (სქემები) სართულების მიხედვით;
- ❖ მზიდი კონსტრუქციების არმირების სქემები, ჭრილები, დეტალები, კვანძები;
- ❖ სპეციფიკაციები, უწყისები;
- ❖ ანგარიშების ჩატარების მეთოდოლოგია და წარმოდგენა;
- ❖ სხვა სჭირო ნახაზები, სრულყოფილი კონსტრუქციული პროექტისათვის.

სპეციალური სამუშაოების პროექტები:

- ❖ ელექტრული ნაწილი შიდა ქსელები;
- ❖ ელექტრული ნაწილი გარე ქსელები;
- ❖ სუსტი დენები შიდა ქსელები;
- ❖ სუსტი დენები გარე ქსელები;
- ❖ კავშირგაბმულობა (მ.შ. სატელეფონო-სატელევიზიო და IT ქსელები);
- ❖ დაცვითი სისტემები (მ.შ. სიგნალიზაცია და ვიდეომეთვალყურეობა);
- ❖ სახანძრო უსაფრთხოების სისტემა;
- ❖ წყალმომარაგება შიდა ქსელები;
- ❖ წყალმომარაგება გარე ქსელები;
- ❖ კანალიზაცია შიდა ქსელები;
- ❖ კანალიზაცია გარე ქსელები;
- ❖ გათბობა-გაგრილება;
- ❖ ვინტილაცია-კონდიციონირება;
- ❖ გაზიფიცირება შიდა ქსელები;
- ❖ გაზიფიცირება გარე ქსელები;

- ❖ სანიაღვრე სისტემები და დრენაჟი (საჭიროების მიხედვით);
- ❖ ტერიტორიის მორწყვის სისტემა;
- ❖ სხვა სჭირო ნახაზები, სრულყოფილი სპეციალური სამუშაოების პროექტისათვის.

შენიშვნა: სპეციალური სამუშაოების პროექტები უნდა მოიცავდეს: განმარტებით ბარათს, პრინციპიალურ სქემებს, გეგმებს, ჭრილებს და დეტალებს სართულების მიხედვით, სპეციფიკაციებს და უწყისებს.

მშენებლობის ორგანიზაციის პროექტი:

- ❖ სამშენებლო მოედნისა და ობიექტების დახასიათება;
- ❖ სამშენებლო გენგეგმა და სამონტაჟო სქემები;
- ❖ მშენებლობის ხანგრძლივობის დადგენა (კალენდარული გრაფიკი);
- ❖ მშენებლობის განხორციელების ტექნოლოგიური ეტაპები და მეთოდები;
- ❖ მითითებები მიწისქვეშა და მიწისზედა სამუშაოების შესრულებაზე;
- ❖ მოთხოვნები სამშენებლო რესურსებზე (მ.შ. მუშახელი, ენერგორესურსები, წყალი, სასაწყობო და საყოფაცხოვრებო მეურნეობა, ტრანსპორტი, მანქანა-მექანიზმები, ამწე, მოწყობილობა-დანადგარები, ინსტრუმენტები და სხვა);
- ❖ მშენებლობაზე შრომის და ელექტროუსაფრთხოების წესების დაცვა;
- ❖ ეკოლოგია და ბუნების დაცვის საკითხები.

კრებსითი, ობიექტური და ლოკალური ხარჯთაღრიცხვები:

- ❖ სამუშაოთა მოცულობების უწყისებისა და მასალათა სპეციფიკაციების საფუძველზე დადგენილი წესით უნდა შედგეს შესაბამისი რესურსული ხარჯთაღრიცხვები;
- ❖ კრებსითი, საობიექტო და ლოკალური ხარჯთაღრიცხვები უნდა შედგეს მოქმედი ნორმების საფუძველზე, დამკვეთის მიერ მითითებული ფორმების მიხედვით.

სხვა მოთხოვნები

- ❖ მიმწოდებელი ვალდებულია ობიექტის ადგილზე შესწავლის შემდეგ კორექტივები შეიტანოს საპროექტო-ტექნიკურ დავალებაში დამატებითი ანაზღაურების გარეშე (დამკვეთთან შეთანხმებით);
- ❖ მიმწოდებელი ვალდებულია ტექნიკური დავალებით გაუთვალისწინებელი გარემოება შეიტანოს საპროექტო დოკუმენტაციაში დამატებითი ანაზღაურების გარეშე (დამკვეთთან შეთანხმებით);
- ❖ მიმწოდებელი ვალდებულია ყველა საპროექტო გადაწყვეტილება წინასწარ შეათანხმოს დამკვეთთან;
- ❖ მიმწოდებელმა უნდა უზრუნველყოს საავტორო ზედამხედველობა პროექტის განხორციელების პროცესში, საპროექტო დოკუმენტაციის მიხედვით კონსულტაციის გაწევა, საჭიროებისამებრ საპროექტო დოკუმენტაციის კორექტირება, პროექტისა და შესრულებული სამუშაოს იდენტურობის დადასტურება;
- ❖ მიმწოდებელი ვალდებულია, სახელშეკრულებო ვადებში მოახდინოს საპროექტო-სახარჯთაღრიცხვო დოკუმენტაციის დამზადება და შემსყიდველისათვის, 5(ხუთი) ეგზემპლარის მიწოდება, როგორც ბეჭდური (მატერიალური) სახით, ასევე ელექტრონული სახით ვექტორულ CAD და PDF ფაილებში.

2.2. საგარეო ღირებულება და ხელშეკრულების შესრულების უზრუნველყოფის გარანტია

2.2.1. ერთიან ელექტრონულ სისტემაში პრეტენდენტებმა უნდა დააფიქსირონ საპროექტო მომსახურების პრეისკურანტის ჯამური ღირებულება, რომელიც წარმოადგენს პრეისკურანტის ჩამონათვალიში მოცემული პროექტირების ნაწილების ჯამურ ღირებულებას. საპროექტო მომსახურების პრეისკურანტის საგარეო ღირებულება შეადგენს არაუმეტეს **239,00 (ორასოცდაცხრამეტი)** ლარს.

2.2.2. საპროექტო მომსახურების სახელშეკრულებო ღირებულება ყველა გადასახადისა და დანარიცხების ჩათვლით შეადგენს არაუმეტეს **300 000 (სამასი ათასი)** ლარს.

2.2.3. ხელშეკრულების გაფორმებამდე, პრეტენდენტმა უნდა წარმოადგინოს ხელშეკრულების შესრულების უზრუნველყოფის საბანკო გარანტია, ხელშეკრულების ჯამური ღირებულების 3% ოდენობით, რომლის მოქმედების ვადა, სულ მცირე, 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

2.3. ანგარიშსწორების პირობები

2.3.1. ანგარიშსწორების წყაროს წარმოადგენს სახელმწიფო ბიუჯეტი, 2017 წლის დაფინანსების ფარგლებში.

2.3.2. შემსყიდველი იღებს ვალდებულებას, გადაუხადოს მიმწოდებელს შესყიდვის ობიექტის ღირებულება მომსახურებაზე გაფორმებული მიღება-ჩაბარების აქტის საფუძველზე, მისი ხელმოწერიდან 20 (ოცი) სამუშაო დღის ვადაში.

2.3.3. ანგარიშსწორების ვალუტა: ლარი.

2.3.4. ანგარიშსწორების ფორმა: უნაღდო.

2.3.5. მიმწოდებლის მოთხოვნის შემთხვევაში, შემსყიდველი უფლებამოსილია განახორციელოს წინასწარი ანგარიშსწორება (ავანსი), მიმწოდებლის მიერ საქართველოს სამოქალაქო კოდექსის 879-ე მუხლის შესაბამისად წარმოდგენილი გარანტიის საფუძველზე, საბანკო გარანტიის შესაბამისი თანხის ოდენობით, მაგრამ არაუმეტეს ხელშეკრულების ჯამური ღირებულების **10%-ისა**.

2.3.6. მიმწოდებლის მიერ წარმოდგენილი საბანკო გარანტია, უნდა შეესაბამებოდეს შემსყიდველის მოთხოვნებს და მისი მოქმედების ვადა, არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

2.3.7. იმ შემთხვევაში, თუ მიმწოდებლის მიერ წარმოდგენილი გაწეული მომსახურების დამადასტურებელი დოკუმენტაციის ოდენობა, აღემატება გაცემული (ნარჩენი) ავანსის ღირებულებას, გახორციელდება აღნიშნული ავანსის გაქვითვა, ამასთან გადახდილი ავანსის გაქვითვის შემდგომ, შესაძლებელია ხელახალი ავანსის გაცემა, ახალი საბანკო გარანტიის წარმოდგენის შემდეგ, გარდა იმ შემთხვევისა როდესაც წარმოდგენილია მრავალჯერადი მოქმედების **საბანკო** გარანტია.

2.3.8. იმ შემთხვევაში, თუ მიმწოდებლის მიერ წარმოდგენილი გაწეული მომსახურების დამადასტურებელი დოკუმენტაციის ოდენობა, არ აღემატება გაცემული (ნარჩენი) ავანსის ღირებულებას, ავანსად გადარიცხული თანხის დაქვითვა მოხდება ეტაპობრივად, კერძოდ: მიმწოდებელს გაწეული მომსახურების ღირებულებიდან, დაუკავდება თანხის ის პროცენტული ოდენობა, რა პროცენტული განაკვეთიც აქვს მიღებული ავანსად.

2.4. მომსახურების გაწევის ვადა

მომსახურების გაწევის საბოლოო ვადა განისაზღვროს ხელშეკრულების გაფორმებიდან **2017 წლის 31 დეკემბრის ჩათვლით, ხოლო ყველა კონკრეტული საპროექტო მომსახურების ვადა განისაზღვროს ურთერთშეთანხმების საფუძველზე**.

2.5. პრეტენდენტის გამოცდილება

2.5.1. პრეტენდენტს მიმდინარე და წინა სამი კალენდარული წლის განმავლობაში (2015-2016-2017, კონკრეტულ წელს მნიშვნელობა არ ენიჭება) უნდა გააჩნდეს არანაკლებ **30 000 (ოცდაათი ათასი)** ლარის ღირებულების ანალოგიური **საპროექტო მომსახურების გაწევის** გამოცდილება.

2.6. შესყიდვის ელექტრონული პროცედურის შეჩერება/შეწყვეტა

2.6.1. შემსყიდველი უფლებამოსილია ხელშეკრულების გაფორმებამდე ნებისმიერ დროს შეაჩეროს / შეწყვიტოს შესყიდვის ელექტრონული პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით.

2.6.2. წინამდებარე დოკუმენტაციის 2.6.1. ქვეპუნქტით გათვალისწინებული შემთხვევის დადგომისას, შემსყიდველი არ არის ვალდებული პრეტენდენტებს წარუდგინოს კონკრეტული მტკიცებულებები და დეტალური ინფორმაცია, რომლის საფუძველზეც მიღებულ იქნა შესყიდვის ელექტრონული პროცედურის შეჩერების/შეწყვეტის გადაწყვეტილება.

3. ერთიანი ელექტრონული სისტემის მეშვეობით წარმოსადგენი დოკუმენტი

ერთიან ელექტრონულ სისტემაში პრეტენდენტმა უნდა ატვირთოს **სახელმწიფო საიდუმლოებასთან დაკავშირებული საქმიანობის ნებართვა (ფორმა N4)** და საკუთარი რეკვიზიტების შესახებ ინფორმაცია დანართი N1-ის შესაბამისად.

4. დოკუმენტის გაცნობის უფლება

4.1. შესყიდვის ელექტრონულ პროცედურაში მონაწილე ნებისმიერ პრეტენდენტს, უფლება აქვს გაეცნოს ამავე შესყიდვის ელექტრონულ პროცედურასთან დაკავშირებულ დოკუმენტებს, მათ შორის: პრეტენდენტ(ებ)ის მიერ, შემსყიდველ ორგანიზაციაში წარმოდგენილ დოკუმენტებს, შესაბამისი წერილობითი მოთხოვნის საფუძველზე.

4.2. პრეტენდენტი უფლებამოსილია მოითხოვოს წინამდებარე დოკუმენტაციის 4.1. პუნქტით განსაზღვრული დოკუმენტების გაცნობა, შესყიდვის ელექტრონული პროცედურისათვის სტატუსის „მიმდინარეობს ხელშეკრულების მომზადება“ მინიჭებიდან მომდევნო სამი სამუშაო დღის ვადაში. დოკუმენტების გაცნობა განხორციელდება შემსყიდველი ორგანიზაციის იურიდიულ მისამართზე.

4.3. წინამდებარე დოკუმენტაციის 4.2. პუნქტით განსაზღვრული მოთხოვნის არსებობის შემთხვევაში შემსყიდველი ორგანიზაცია ვალდებულია უზრუნველყოს პრეტენდენტისთვის დოკუმენტების გაცნობა, მოთხოვნისათვის განსაზღვრული ვადის გასვლიდან მოქმედი კანონმდებლობის შესაბამისად. აღნიშნული გარემოება უნდა დადასტურდეს ორივე მხარის მიერ ხელმოწერილი შესაბამისი ოქმით.

4.4. პრეტენდენტის მიერ დოკუმენტების გაცნობის მოთხოვნა არ აჩერებს ამავე შესყიდვის ელექტრონული პროცედურებიდან გამომდინარე სხვადასხვა სამუშაოების მიმდინარეობას.

5. საპროექტო მომსახურების პრეისკურანტით ელექტრონული ვაჭრობა

5.1. პრეტენდენტი ელექტრონული ვაჭრობისას წინადადების ფასის კლებას ახორციელებს საპროექტო მომსახურების პრეისკურანტის სავარაუდო ჯამურ ღირებულებასთან მიმართებაში.

5.2. პრეტენდენტის მიერ ელექტრონული ვაჭრობის შედეგად გასაწევი საპროექტო მომსახურების პრეისკურანტის საერთო ფასის შემცირების შემთხვევაში, საბოლოო ფასთა კლება პროცენტულად და პროპორციულად უნდა აისახოს გასაწევი საპროექტო მომსახურების პრეისკურანტში მოცემული ჩამონათვალის ერთეულის ფასეობზე.

5.3. თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მეათასედებამდე, შესაბამისად შეამციროს გასაწევი საპროექტო მომსახურების პრეისკურანტის ჯამური ღირებულებაც.

5.4. შემსყიდველის მოთხოვნის შემთხვევაში საპროექტო მომსახურების პრეისკურანტის დაზუსტებამ, არ უნდა გამოიწვიოს ფასების ცხრილის არცერთ პოზიციაზე შესყიდვის ობიექტების ერთეულის ღირებულების გაზრდა.

5.5. პრეტენდენტის წინადადება, რომელშიც ერთეული პოზიციების ფასი გადააჭარბებს საპროექტო მომსახურების პრეისკურანტის **ერთეული პოზიციების** სავარაუდო ღირებულებას არ ჩაითვლება მისაღებად და განისაზღვრება საწყის პრეისკურანტში მითითებული ოდენობით.

შენიშვნა:

ელექტრონულ პროცედურაში მონაწილეობის მსურველ პირს უნდა გააჩნდეს სახელმწიფო საიდუმლოებასთან დაკავშირებული საქმიანობის ნებართვა (ფორმა N4).

პრეტენდენტს რომელსაც არ ექნება სახელმწიფო საიდუმლოებასთან დაკავშირებული საქმიანობის ნებართვა (ფორმა N4), ავტომატურად მიეცემა დისკვალიფიკაცია და მისი წინადადება არ იქნება განხილული.

შემსყიდველს უფლება აქვს წინამდებარე დოკუმენტაციის 1.1 და 2.5 პუნქტებით, ასევე 2.1.5 ქვეპუნქტით განსაზღვრული, საკვალიფიკაციო მონაცემების, პრეტენდენტის გამოცდილების დამადასტურებელი დოკუმენტაციისა და გასაწევი მომსახურების პრეისკურანტის დაზუსტება, მხოლოდ ერთხელ მოთხოვოს პრეტენდენტს. მოთხოვნილი დაზუსტებული დოკუმენტაციის, 3 (სამი) სამუშაო დღის განმავლობაში, წარმოუდგენლობა ან/და არასრულყოფილად წარმოდგენა გამოიწვევს პრეტენდენტის დისკვალიფიკაციას შესყიდვის ელექტრონული პროცედურიდან.

შესყიდვის ელექტრონულ პროცედურაში მონაწილეობით და წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.

შესყიდვის ელექტრონულ პროცედურასთან დაკავშირებული დამატებით ინფორმაცია და განმარტებები შეგიძლიათ მიიღოთ შემდეგი საკონტაქტო პირ(ებ)ისგან: ქ. თბილისი, საქართველოს თავდაცვის სამინისტრო, გენ. გ. კვინიტაძის ქ. N20. გელა ხიზანიშვილი (ელ. ფოსტა: takhvlediani@mod.gov.ge), ტელ: +995 032 2 54 35 35 (შიდა 2641);

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის წარმოდგენილი წინადადების შესაბამისად (შესყიდვის ელექტრონული პროცედურის ტექნიკური პირობებით განსაზღვრული მოთხოვნათა დაცვით)

ხელშეკრულება სახელმწიფო შესყიდვის შესახებ N -----

ქ. თბილისი

«___» _____ 2017 წ.

შემსყიდველი - საქართველოს თავდაცვის სამინისტრო, წარმოდგენილი თავდაცვის სამინისტროს სახელმწიფო შესყიდვების დეპარტამენტის უფროსის ----- სახით.

მისამართი: 0112, ქ. თბილისი, გენერალ გ. კვინიტაძის ქ. N20

საიდ. კოდი: 204900483

ტელ: (+995 032) 2 54 35 35; (+995 032) 2 72 35 35

საბანკო რეკვიზიტები: სახელმწიფო ხაზინა, ხაზინის ერთიანი ანგარიში, კოდი TRESGE22, ანგ. N 200122900

მიმწოდებელი – შ.პ.ს. „-----“, დირექტორი -----

მისამართი: -----

საიდ. კოდი: -----

ტელ: -----

e-mail: -----

საბანკო რეკვიზიტები: ანგ ----- სს „-----“

კოდი -----

წინამდებარე ხელშეკრულება იდება „სახელმწიფო საიდუმლოების შესახებ“ საქართველოს კანონით განსაზღვრულ სახელმწიფო საიდუმლოებასთან დაკავშირებული სახელმწიფო შესყიდვების ობიექტების ნუსხისა და შესყიდვების განხორციელების წესის დამტკიცების თაობაზე საქართველოს მთავრობის 2016 წლის 11 ივლისის №321 დადგენილების მე-7 მუხლის საფუძველზე.

შესყიდვის ელექტრონული პროცედურა GEO----- სახელმწიფო შესყიდვაზე, მხარეები შევთანხმდით შემდეგზე:

1. გამოყენებულ ტერმინთა განმარტება

1.1 „ხელშეკრულება სახელმწიფო შესყიდვის შესახებ“ (შემდგომში “ხელშეკრულება”) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ასრულებს მომსახურებას ამ ხელშეკრულების ფარგლებში.

1.6 „მხარეები“ – წინამდებარე ხელშეკრულებით განსაზღვრული შემსყიდველი და მიმწოდებელი.

1.7 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.8 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1. ხელშეკრულების საგანია მიმწოდებელის მიერ ამ ხელშეკრულების პირობების შესაბამისად საქართველოს თავდაცვის სამინისტროს დაქვემდებარებაში მყოფ ობიექტებზე სამშენებლო-სარემონტო-სამონტაჟო სამუშაების განხორციელებისათვის საჭირო საპროექტო-სახარჯთაღრიცხვო დოკუმენტაციის (შემდგომში საპროექტო დოკუმენტაცია) მომზადებისა და საპროექტო ზედამხედველობისათვის განკუთვნილი მომსახურების მიწოდება მშენებლობის მიმდინარეობის ყველა ეტაპზე, პრეისკურანტის (დანართი №1) მიხედვით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

ხელშეკრულების ჯამური ღირებულება შეადგენს ----- ლარს, რომელიც მოიცავს მიმწოდებლის ყველა ხარჯს და საქართველოს კანონმდებლობით დადგენილ გადასახადებს.

4. მხარეთა უფლება მოვალეობები

4.1. მიმწოდებელის მიერ მომსახურება უნდა შესრულდეს ამ ხელშეკრულების, წარმოდგენილი პრეისკურანტის (დანართი №1) შესაბამისად.

4.2. მიმწოდებელმა საპროექტო დოკუმენტაცია უნდა მოამზადოს და წარმოადგინოს საქართველოს ეკონომიკისა და მდგრადი განვითარების მინისტრის 2011 წლის 18 თებერვლის №1-1/251 ბრძანების „საქართველოს ტერიტორიაზე ტექნიკური ზედამხედველობისა და სამშენებლოს სფეროში 1992 წლამდე მოქმედი ნორმების, წესების და ტექნიკური რეგულირების სხვა დოკუმენტების გამოყენების შესახებ“, „საქართველოს ტერიტორიაზე სამშენებლო სფეროს მარეგულირებელი ტექნიკური რეგლამენტის აღიარებისა და სამოქმედოდ დაშვების შესახებ“ საქართველოს მთავრობის 2014 წლის 14 იანვრის №52 დადგენილებისა და საქართველოს მთავრობის 2014 წლის 14 იანვრის №55 დადგენილებით დამტკიცებული ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ შესაბამისად.

4.3. თუ მიმწოდებლის მიერ მიწოდებული საპროექტო დოკუმენტაციის საფუძველზე განხორციელებული სამშენებლო-სარემონტო სამუშაოების შესრულების პროცესში ან/და მისი დასრულებიდან ----- წლის განმავლობაში გამოვლინდა განხორციელებული სამუშაოების ხარვეზი (ზიანი, დეფექტი), რაც გამოწვეულია მიმწოდებლის მიერ წარმოდგენილი საპროექტო დოკუმენტაციის მიზეზით და აღნიშნული დადასტურებულია საექსპერტო დასკვნით, მიმწოდებელი ვალდებულია სრულად აუნაზღაუროს შემსყიდველს ამ ზიანით გამოწვეული ზარალი.

4.4. შემსყიდველის მიერ მოთხოვნის წარუდგენლობის შემთხვევაში, მომსახურების შესრულების და მათი მიღება-ჩაბარების უფლება-მოვალეობები არ წარმოიქმნება (შესაბამისად ამ შემთხვევაში არ წარმოიქმნება შემსყიდველის მხრიდან არც მომსახურების ღირებულების გადახდის ვალდებულება).

5. მომსახურების შესრულების წესი, ვადები და ადგილი

5.1. მიმწოდებელმა შემსყიდველის სასარგებლოდ ამ მუხლით განსაზღვრულ ვადაში და ადგილზე, უნდა უზრუნველყოს წინამდებარე ხელშეკრულებით და მისი დანართებით გათვალისწინებული მომსახურების შესრულება, რომელიც უნდა შეესაბამებოდეს საქართველოში მოქმედ სტანდარტებს და ნორმებს.

5.2. ხელშეკრულებით გათვალისწინებული მომსახურება უნდა განხორციელდეს არაუგვიანეს 2017 წლის 31 დეკემბრის ჩათვლით, ხოლო ყველა კონკრეტული საპროექტო მომსახურების ვადა განისაზღვროს ურთერთშეთანხმების საფუძველზე.

5.3. მიმწოდებელი ვალდებულია, მომსახურების ან მისი ნაწილის შესრულებისას წარუდგინოს შემსყიდველს კანონმდებლობით დადგენილი (მიღება-ჩაბარების აქტი, საგადასახადო ანგარიშფაქტურა ან/და სხვა) დოკუმენტები.

6. ანგარიშსწორების ფორმა, წყარო და ვადები

- 6.1 ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში, ლარში.
- 6.2. ანგარიშსწორების წყაროს წარმოადგენს საქართველოს თავდაცვის სამინისტროს 2017 წლის ასიგნებები (კოდი 2905).
- 6.3 შემსყიდველი იღებს ვალდებულებას გადაუხადოს მიმწოდებელს შესრულებული მომსახურების ღირებულება, ფაქტიურად შესრულებული მომსახურების მიხედვით, მიმწოდებლის მიერ წარმოდგენილ მიღება-ჩაბარების აქტზე შემსყიდველის მხრიდან 8.2.1. პუნქტში მითითებული პირ(ებ)ის მიერ ხელმოწერიდან 20 (ოცი) დღის განმავლობაში, ამ ხელშეკრულებით და კანონმდებლობით გათვალისწინებული სხვა დოკუმენტაციის წარმოდგენის საფუძველზე.
- 6.4. მიმწოდებლის მიერ წინასწარი ანგარიშსწორების მოთხოვნის შემთხვევაში, შემსყიდველი უფლებამოსილია განახორციელოს წინასწარი ანგარიშსწორება ხელშეკრულების ჯამური ღირებულების **10%-ის** ოდენობის ფარგლებში, მიმწოდებლის მიერ არანაკლებ იმავე ოდენობის თანხაზე საბანკო გარანტიის წარმოდგენის შემდეგ.
- 6.5. მიმწოდებლის მიერ წარმოდგენილი საბანკო გარანტია უნდა შეესაბამებოდეს შემსყიდველის მოთხოვნებს და მასში აგრეთვე აღნიშნული უნდა იყოს, რომ თუ მიმწოდებელი (პრინციპალი) ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტიის გამცემი კისრულობს გამოუთხოვად ვალდებულებას შემსყიდველის (ბენეფიციარი) პირველივე წერილობითი მოთხოვნის წარმოდგენისთანავე აუნაზღაუროს მას ნებისმიერი თანხა, საგარანტიო თანხის ფარგლებში. საბანკო გარანტიის მოქმედების ვადა ხელშეკრულების მოქმედების ვადას უნდა აღემატებოდეს არანაკლებ 30 (ოცდაათი) კალენდარული დღით.
- 6.6. იმ შემთხვევაში თუ მიმწოდებლის მიერ წარმოდგენილი შესრულებული მომსახურების დამადასტურებელი დოკუმენტაციის ოდენობა აღემატება გაცემული (ნარჩენი) ავანსის ღირებულებას, გახორციელდება აღნიშნული ავანსის გაქვითვა, ამასთან გადახდილი ავანსის გაქვითვის შემდგომ, შესაძლებელია ხელახალი ავანსის გაცემა, ახალი საბანკო გარანტიის წარმოდგენის შემდეგ.
- 6.7. იმ შემთხვევაში თუ მიმწოდებლის მიერ წარმოდგენილი შესრულებული მომსახურების დამადასტურებელი დოკუმენტაციის ოდენობა არ აღემატება გაცემული (ნარჩენი) ავანსის ღირებულებას, ავანსად გადარიცხული თანხის დაქვითვა მოხდება ეტაპობრივად, კერძოდ: მიმწოდებელს შესრულებული მომსახურების ღირებულებიდან დაუკავდება თანხის ის პროცენტული ოდენობა, რა პროცენტიც მიღებული აქვს ავანსად.
- 6.8. ავანსად გაცემული თანხების ჯამი არ უნდა აღემატებოდეს ხელშეკრულების ღირებულების 80%-ს.

7. სტანდარტები

ხელშეკრულების ფარგლებში შესრულებული მომსახურება უნდა შეესაბამებოდეს საქართველოს კანონმდებლობით განსაზღვრულ სტანდარტებსა და ნორმებს.

8. ხელშეკრულების შესრულების კონტროლი

- 8.1. შემსყიდველი უფლებამოსილია მომსახურების შესრულებლის ნებისმიერ ეტაპზე განახორციელოს შემოწმება, რომლის მიზანია შესასრულებელი/შესრულებული მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 8.2. შემსყიდველის მხრიდან ხელშეკრულების შესრულების კონტროლს განახორციელებს:
- 8.2.1. საქართველოს შეიარაღებული ძალების გენერალური შტაბის J-6 კავშირგაბმულობისა და ინფორმაციული სისტემების დეპარტამენტის (კომპიუტერული და სატელეფონო ქსელების სამუშაოთა ნაწილში, ასეთის არსებობის შემთხვევაში) უფროსისა და ჯარების ლოგისტიკური უზრუნველყოფის სარდლობის მიერ გამოყოფილი პირ(ებ)ი მომსახურების მოცულობის, შესრულების ვადების, მიღება-ჩაბარებისა და მომსახურების ხარისხის კონტროლის საკითხებზე;
- 8.3. კონტროლი ხორციელდება ხელშეკრულების შესრულების ნებისმიერ ეტაპზე, მომსახურების მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

9. შესყიდვის ობიექტის მიღება-ჩაბარების წესი

9.1. მიმწოდებლის მიერ მომსახურების გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 8.2.1. პუნქტში მითითებული პირ(ებ)ი) მიერ ხელმოწერილი მიღება-ჩაბარების აქტით.

9.2 მომსახურების საბოლოო მიღება დასტურდება ორივე მხარის უფლებამოსილი წარმომადგენლების (შემსყიდველის მხრიდან 8.2.1. პუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით, რომელიც ფორმდება 5.3. პუნქტში მითითებული დოკუმენტების საფუძველზე და რომელიც ადასტურებს მომსახურების გადაცემას მიმწოდებლისაგან შემსყიდველზე და შემსყიდველის მიერ მის მიღებას.

9.3. შემსყიდველი უფლებამოსილია, განაცხადოს უარი მომსახურების ან მისი ნაწილის მიღებაზე და მათ ანაზღაურებაზე, თუ:

9.3.1. იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო);

9.3.2. შესრულებულია საპროექტო დავალებაში მითითებულ რაოდენობაზე მეტი ოდენობით (ნამეტის ფარგლებში);

9.3.3. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია;

9.3.4. დეფექტების გამოსწორება შეუძლებელია;

9.3.5. მომსახურება სრულად არ არის შესრულებული, ხოლო ნაწილობრივი შესრულება შემსყიდველისთვის ინტერესს კარგავს;

9.3.6. კანონმდებლობით გათვალისწინებულ სხვა შემთხვევებში.

9.4. მიმწოდებელი ვალდებულია, გადასცეს შემსყიდველს უფლებრივად და ნივთობრივად უნაკლო (ხელშეკრულებით გათვალისწინებული ხარისხის) მომსახურება.

9.5. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან/და ნაკლის აღმოფხვრას საკუთარი ხარჯებით უზრუნველყოფს მიმწოდებელი.

9.6. მომსახურების მთლიანი ან ეტაპობრივი შესრულების შესახებ მიმწოდებლის წერილობითი შეტყობინების (რომელსაც უნდა ახლდეს შესრულებული მომსახურების დოკუმენტაცია) მიღებიდან არაუგვიანეს 10 (ათი) სამუშაო დღის განმავლობაში შემსყიდველი ((8.2.1. პუნქტში მითითებული პირ(ებ)ი) ვალდებულია:

9.6.1. შესაბამისობის დადგენის შემთხვევაში, დაადასტუროს ხელმოწერით ეტაპობრივი ან/და საბოლოო მომსახურების მიღება-ჩაბარების აქტი;

9.6.2. დასაბუთებული არგუმენტაციით, კონკრეტული შენიშვნებით, დაუბრუნოს შესრულებულ მომსახურების დოკუმენტაცია მიმწოდებელს შემდგომი კორექტირებისათვის.

9.7. მომსახურების დასრულების თარიღად ჩაითვლება მიმწოდებლის მიერ მომსახურების დასრულების შესახებ შემსყიდველისათვის წერილობითი შეტყობინების წარდგენის თარიღი, გარდა იმ შემთხვევისა, როდესაც შესრულებული მომსახურების ამსახველი დოკუმენტაცია არ არის შესაბამისობაში ფაქტობრივად შესრულებული მომსახურების მოცულობასთან.

10. უფლებების გადაცემა

დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

11. ინტელექტუალურ საკუთრებასთან დაკავშირებული უფლებები

ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

12. ხელშეკრულების პირობების შეუსრულებლობა

12.1. ხელშეკრულების შეუსრულებლობის შემთხვევაში წარმოშობილი ზიანის ანაზღაურების ან პირგასამტეხლოს გადახდის ვალდებულების შესრულების უზრუნველყოფის მიზნით, მიმწოდებელს წარმოდგენილი აქვს საბანკო გარანტია ამ ხელშეკრულების ჯამური ღირებულების 3 %-ის ოდენობით და მისი მოქმედების ვადა ხელშეკრულების მოქმედების ვადას აღემატება არანაკლებ 30 კალენდარული დღით.

12.2. მიმწოდებლის მიერ ამ ხელშეკრულების პირობების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

12.2.1. მომსახურების შეუსრულებლობისათვის (მათ შორის ხელშეკრულებით განსაზღვრულ ვადაში, უხარისხოდ, არასრული მოცულობით, საჭირო დოკუმენტაციის გარეშე) ხელშეკრულების ღირებულების 0,03% ყოველ ვადაგადაცილებულ დღეზე.

12.3. თუ მიმწოდებელს შემსყიდველისგან მიღებული აქვს ავანსი და ამ ხელშეკრულებას ამოეწურა ვადა, მათ შორის შეწყდა ვადადღე, მაშინ მიმწოდებელი ვალდებულია ხელშეკრულების ვადის ამოწურვიდან ან/და შეწყვეტიდან 10 (ათი) კალენდარული დღის ვადაში დაუბრუნოს შემსყიდველს ავანსი (დოკუმენტურად დადასტურებული შესრულებული ნაწილის გამოკლებით);

12.4. თუ მიმწოდებელი 12.3. პუნქტის შესაბამისად არ დაუბრუნებს შემსყიდველს ავანსს, შემსყიდველი უფლებამოსილია განახორციელოს თავისი, როგორც საბანკო გარანტიის ბენეფიციარის, უფლებები, კანონმდებლობით გათვალისწინებული წესითა და პირობებით.

12.5. პირგასამტეხლოს დარიცხვის მიუხედავად, შემსყიდველი უფლებამოსილია:

12.5.1. ამ ხელშეკრულებით გათვალისწინებული პირობების დაცვით, შეწყვიტოს ან ძალაში დატოვოს ეს ხელშეკრულება;

12.6. შემსყიდველის მიერ შესრულებული მომსახურების ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა გადაუხდელი თანხის 0,02 %-ს ოდენობით ყოველ ვადაგადაცილებულ სამუშაო დღეზე, მაგრამ არაუმეტეს ხელშეკრულების ჯამურ ღირებულების 2%

12.7. დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

12.8. დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის ან ხელშეკრულების შეწყვეტის შემდეგ, იმის მიხედვით თუ ამ გარემოებებიდან რომელი უფრო ადრე დადგება.

12.9. ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი მომსახურების ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

13. ფორს-მაჟორი

13.1. მხარეები თავისუფლდებიან წინამდებარე ხელშეკრულებით გათვალისწინებული პასუხისმგებლობისგან ვალდებულებების სრული ან ნაწილობრივი შეუსრულებლობისათვის, როდესაც ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობის არსებობით.

13.2. ფორს-მაჟორულ მდგომარეობად ითვლება წინასწარ განუსაზღვრელი ნებისმიერი გარემოების არსებობა, რომელიც მხარისგან დამოუკიდებელი მიზეზის გამო წარმოადგენს დაუძლეველ ძალას (სტიქიური უბედურება, საომარი ან საგანგებო მდგომარეობა, ეპიდემია, კარანტინი, სახაზინო სამსახურის მიერ შემსყიდველის მხრიდან თანხის გადახდის თაობაზე გაგზავნილი მოთხოვნის დაკმაყოფილების შეჩერება ან უარყოფა, საბიუჯეტო ასიგნების შემცირება და სხვა) და შეუძლებელს ხდის მის მიერ ნაკისრი ვალდებულების შესრულებას.

13.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება,

ვალდებულია დაუყოვნებლივ (ფორს-მაჟორის დადგომიდან არა უგვიანეს 2 (ორი) სამუშაო დღისა)

აცნობის მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

13.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

13.5. თუ ფორს-მაჟორული მდგომარეობა 30 (ოცდაათი) დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

14. ხელშეკრულების შეწყვეტა

14.1. ეს ხელშეკრულება შეიძლება ვადამდე შეწყდეს:

14.1.1. მხარეთა შორის გაფორმებული ორმხრივი წერილობითი შეთანხმებით, ნებისმიერ დროს;

14.1.2. ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც მას წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს მეორე მხარეს, თუ აშკარაა, რომ მას შედეგი არ ექნება, ან ვალდებულების შეუსრულებლობის ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება. ასევე, საქართველოს სამოქალაქო კოდექსით გათვალისწინებულ სხვა შემთხვევებში.

14.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს:

14.2.1. იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

14.2.2. ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

15. დავების გადაწყვეტის წესი

15.1 მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

15.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით, დადგენილი წესით, შეუძლია მიმართოს საქართველოს სასამართლოს.

16. ხელშეკრულებაში ცვლილებების შეტანა

16.1 ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული, უფლებამოსილი პირების მიერ ხელმოწერილი, შეთანხმების საფუძველზე.

16.2 შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

17. ხელშეკრულების მოქმედების ვადა

ხელშეკრულება ძალაში შედის მისი ხელის მოწერის დღიდან და მოქმედებს **2018 წლის 31 მარტის** ჩათვლით.

18. დასკვნითი დებულებები

18.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით, დადგენილი წესის შესაბამისად.

18.2 ხელშეკრულებას დანართის სახით ახლავს: **პრეისკურანტი** (დანართი №1), რომელიც წარმოადგენს მის განუყოფელ ნაწილს.

18.3 ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

18.4 ხელშეკრულება ფორმდება 6 (ექვს) თანაბარი იურიდიული ძალის მქონე იდენტურ ეგზემპლარად.

შემსყიდველის მხრიდან:

მიმწოდებლის მხრიდან: